

Д.С.ПУШКИН



ТАНЛАНГАН
АСАРЛАР

4 ТОМЛИК



ЎЗБЕКИСТОН ССР ДАВЛАТ НАШРИЁТИ
ТОШКЕНТ — 1955

ТОШ МЕҲМОН

Loporello. O statua gentilissima
Del gran' Commendatore! ..
... Ah, Padrone!

*Don Giovanni.**

* Лепорелло: О, буюк Командорнинг севимли ҳайкали!.. Ох, афандим!—«Дон-Гуан».



I САҲНА

ДОН ГУАН ва ЛЕПОРЕЛЛО

Дон Гуан

Биз шу ерда кутажакмиз тунни. Ниҳоят,
Мадриднинг қопқасига етдик. Ҳадемай,
Мўйловимни плаш блан, қошни бўрк блан
Елиб, таниш кўчалардан елдай учаман.
Нима дейсан? Мени бирор танирмикан-а?

Лепорелло

Ҳа! Мумкинми Дон Гуанини танимоқ зинҳор!
Ахир, ундей қишиларнинг сон-саноғи йўқ!

Дон Гуан

Нечун ҳазил? Ким танийди?

Лепорелло

Биринчи посбон.

Бирор лўли, ё учраган сармаст созанда,
Ёки, эски бир жўрангиз — плашни кийиб
Қиличини қўлтиғида қисган беҳаё.

Дон Гуан

Танийберсин, бокиси йўқ. Қиролнинг ўзи —
Дуч келмаса басдир менга. Ростини айтсам,
Мен Мадридда ҳечқимсадан қўрқмайман асло.

Лепорелло

Дон Гуаннинг ижозатсиз сургундан қайтиб,
Мадридга кирганлиги эрта кундаёқ
Қиролгача бориб етар — хўш, айтинг-чи, у
Сизни нима қилас?

Дон Гуан

Яна жўнатар тақрор.
Ахир, улар кесмаслар-ку менинг бошимни,
Мен хиёнат қилганим йўқ, ахир, давлатга;
Қирол мени севиб туриб бадарға қилди;
Үлдирилган у кишининг аҳли-хонаси —
Жонимга қасд қилмасин деб...

Лепорелло

Буни қаранг-а!
У ерда тинч юрганингиз ма'қулроқ эди.

Дон Гуан

Кечирасиз каминани! Мен у ерларда
Ёлғизликда ўлай дедим. Қандай одамлар!
У қандай ер! Осмон-чи? .. Баайни тутун.
Хотинлар-чи? Эй сен тентак Лепорелло, бил;
Андалуснинг энг оддий бир деҳқон хотинин
Уша ернинг дилбариға алишмайман мен.
Улар аввал кўмкўк кўзи, оппоқ бадани,
Камтарлиги, ҳаммадан ҳам янгилиги-ла
Менга ёқди — кўзларимни қувонтираолди;
Минг шукурки, тезда фаҳмим етди барига —
Улар блан яқин бўлмоқ — гуноҳ деб билдим,
Уларда жон асари йўқ — мўум кўғирчоқлар!
Оҳ, бизларнинг хотинлар-чи!.. Аммо, қара-я,
Бу ерда бизга таниш; сен ҳам таниёлдингми?

Лепорелло

Таниганда қандоғ; эсимдадир Антоний —
Монастири. Сиз бу ерга кўп келардингиз,
Бу чорбоғда отингизни ушлаб турардим.

Рост сўзласам, бу — ла'нати вазифадир. Сиз
Вақтингизни мендан кўра хуш ўтказгансиз —
Ха, ишонинг.

Дон Гуан (*ўйчан*)

Оҳ бечора гўзал Инеза!
Энди у йўқ! Уни қандай яхши кўрардим!

Лепорелло

Инеза! Ха, у қора кўз... Ҳамон эсимда.
Уч ой унга сиз хушомад қилиб юрдингиз,
Аммо иблис сизга ахир мададга келди.

Дон Гуан

Июль ойи... Тунда унинг ма'юс нигоҳи,
Жонсиз-жонсиз лабларида фалати бир завқ,
Ажиб роҳат олган эдим. Бу кўп таажжуб.
Уни гўзал эмас деган эдинг шекилли.
Ха, чиндан ҳам, унда асл чирой кам эди.
Фақат кўзлар, унинг ёниб турган кўзлари...
Ва боқиши... Мен у каби нафис боқишини
Учратолган эмасман ҳеч... Овози эса
Худди bemor товушидай сокин ва ожиз.
Унинг эри тош юракли муттаҳам эди.
Буни кейин билиб қолдим... Эссиз Инеза!..

Лепорелло

Бокиси йўқ, янгилари топилди.

Дон Гуан

Бу ҳақ!

Лепорелло

Омон бўлсак, яна кўпи топилгусидир.

Дон Гуан

Бу ҳам тўғри.

Лепорелло

Боргандан сўнг, Мадридда энди
Қайсибирин ахтарамиз?

Дон Гуан
О, Лаурани!
Мен ўшанинг ҳузурига югураман.

Лепорелло
Соз!
Дон Гуан
Эшигини қоқажакман — агар уйида
Бирор бўлса, — деразадан қочсин — сўрайман.

Лепорелло
Бу турган тап. Хурсандчилик чакки бўлмади.
Марҳумалар бизни узоқ безовта қилмас.
Бирор келар, ким бўлса у?

(Роҳиб киради)

Роҳиб
Хозир шу ерга
У келади. Ким бу? Булар Дона Аннанинг
Одамлари эмасмикан?

Лепорелло
Йўқ, йўқ,— бизлар ҳам —
Ўзимиизга ўзимииз бек. Зиёрат қилиб
Юрмоқдамиз.

Дон Гуан
Хўш, сиз нима кутиб турибсиз?

Роҳиб
Дона Анна марҳум эри мақбарасига
Хозир етиб келажакдир.

Дон Гуан
О, Дона Анна
Де-Сольва! У, ўлдирилган марҳум командор —
Рафиқаси... Эслолмайман ким ўлдирганин?

Р о ҳ и б

Фаҳш, виждонсиз, худосини сотган Дон Гуан.

Л е п о р е л л о

Үҳў! Буни қаранг-а! Дон Гуан қиссаси
Ҳатто сокин монастиръга кирибди. Энди
Узлатдаги зоҳидлар ҳам куйлар мадҳини.

Р о ҳ и б

Балки, сизга танишдир у?

Л е п о р е л л о

Бизгами? Асло!
Хозир қайда бўлса экан у?

Р о ҳ и б

Бу ерда йўқ.
Узоқларда, бадарғада

Л е п о р е л л о

Худога шукур.
Қанча олис бўлса, шунча яхши. Барча шу —
Бузуқларни битта қопга солиб, биракай
Худ денгизга ташлаш керак.

Д о н Г у а н

Бу қанақа гап?

Л е п о р е л л о

Сукут сақланг; мен атайин шундай сўзладим.

Д о н Г у а н

Ҳа, шу ерга кўмилган-да, демак, командор?

Р о ҳ и б

Ҳа, шу ерга. Ери унга ҳайкал тиклади,
Арвоҳини қувонтирмоқ учун ҳар кун у

Қабр устига келиб, дуо ўқийди тинмай,
Кўзларидан ёш тўкади.

Дон Гуан
Falati bева!

Хусни қалай?

Роҳиб

Хотинларнинг гўзаллигига
Бизлар — тарки-дун'ё аҳли, мафтун бўлмаймиз.
Аммо ёлғон гапирмаклик гуноҳдир; ҳатто
Тақводор ҳам унинг ҳуснин инкор этолмас.

Дон Гуан

Раҳматликнинг рашк қилиши бечиз эмас-кан.
У хилватда тутар эди Дона Аннани,
Ҳечбиримиз уни кўраолмаган эдик.
Мен у блан сўзлашмакка кўп ишқивозман.

Роҳиб

Дона Анна эркак киши блан сўзлашмас,
Бу гапим чин.

Дон Гуан
Сиз блан-чи, Роҳиб ота?

Роҳиб

Мен роҳибман — менинг блан сўзлашар албат.
Ана ўзи.

(Дона Анна киради)

Дона Анна
Қани, отам, эшикни очинг.

Роҳиб

Ҳозир, хоним: кутиб турган эдим мен сизни.
(Дона Анна Роҳибнинг орқасидан боради)

Лепорелло
Хўш, қанақа?

Дон Гуан

Беваликнинг қора чодраси —
Уни тамом қоплаб олиб, кўрсатмас бизга,
Фақат нозик товонини кўриб қололдим.

Лепорелло

Сизга шу бас. Қолганини тасаввурингиз
Бир нафасда беками-кўст чизиб беради;
Хәёлингиз наққошдан ҳам моҳир ва чаққон,
Хоҳ қошидан бошланг, хоҳ оёқларидан,
Сиз учун бу баб-баравар...

Дон Гуан

Эй, Лепорелло,
Мен у блан танишаман.

Лепорелло

Энди шу-ми етмагани! — Қатл этиб эрин,
Беванинг кўзёшларидан завқланасизми?
Бу золимлик!

Дон Гуан

Оқшом энди яқинлашмоқда.
Тепамизда ой намоён бўлмасдан бурун,
Нури блан зулумотни қувмасдан бурун,
Киришимиз лозим Мадридга. (*Кетади*).

Лепорелло

Е Раббим!

Испания бекзодаси, худди ўғридай
Тунни кутар ва ойдиндан чўчир-ҳайиқар.
Эй, ла'нати тирикчилик! Ахир, тобакай
Мен у блан сарсон бўлғум? Мажолим битди.

II САҲНА

Хона. Лаура зиёфат беради.

Биринчи мөҳмон

Онт, ичаман, эй, Лаура, ўзинг ҳечқачон
Чалмагандинг бунча завқу камолат блан.
Ўз ролингни тушунибсан, ғоят ҳаққоний!

Иккинчи мөҳмон

Сан'атингни нозик ечдинг! Мардона, жўшқин!

Учинчи мөҳмон

Сан'атингга қойил!

Лаура

Ҳа, мен бугун ҳар зарбнинг,
Ҳарбир сўзнинг ма'носини чертдим ўрнида,
Қалбим блан мафтун бўлдим илҳомга эркин.
Сўзлар ожиз хотиранинг меваси эмас,
Балки, юрак чашмасидан қуйилди равон.

Биринчи мөҳмон

Бу гапинг ҳақ. Оҳ, кўзларинг ҳамон чақнайди.
Еноқларинг ҳамон ёнар, эрка шодлигинг
Вужудингни қопламишдир. Лаура, куйла,
Севинчингнинг сўнишига йўл қўйма асло,
Бирор нарса куйла яна. .

Лаура
Созни беринглар.

(Гитарани олиб, куйлайди)

Ҳамма
Баракалла! Баракалла! Мислсиз тўзал!

Биринчи меҳмон

Раҳмат сенга, сиҳргар қиз. Сен кўнглимизни
Мафтун қилдинг. Ҳаёт завқу сафоларидан
Фақат севги қаршисида музика банда;
Аммо ишқнинг ўзи куйдир... Ана, назар сол,
Та'сирланди ҳатто Карлос — мағрур меҳмонинг.

Иккинчи меҳмон

Бу не овоз! Жоннинг ўзи сингибди унга!
Кимнинг сўзи Лаура бу?

Лаура

Дон Гуанники.

Дон Карлос

Кимнинг дединг! Дон Гуанинг сўзи дедингми?

Лаура

Бу сўзларни бир вақтлар у содиқ дўстим,
У ҳавоий ишқивозим тўқиган эди.

Дон Карлос

Худосини сотган, аblaҳ у Дон Гуанинг;
Сен бўлсанг, сен аҳмоқсан.

Лаура

Сен жинни бўлдингми?
Гарчи испан бекзодаси бўлсанг ҳамки сен,
Фармон берсам, навкарларим бошингни олар.

Дон Карлос (*ўрнидан туради*)
Чақир ўша навкарларни.

Биринчи меҳмон
Лаура, бас қил;
Дон Карлос, сен хафа бўлма. Эсини епти...

Лаура
Нечун? Гуан, акасини қиличбозликда
Ҳалол туриб ўлдиргани учунми? Афсус,
Ўлдирмапти ўзини ҳам.

Дон Карлос
Жаҳлим қўзгади.
Мен тентакман.

Лаура
Аҳа! Икror бўлдинг-а. Майли,
Ана энди ярашамиз.

Дон Карлос
Кечир, Лаура.
Гуноҳкорман. Аммо ўзинг яхши биласан,
Унинг номин асло лоқайд эшитолмайман...

Лаура
Унинг номи ҳар лаҳзада тилимга келар,
Ўзинг айтгил, шунинг учун гуноҳкорманми?

Меҳмон
Сен жаҳлингдан тушганлигинг нишонасига,
Куйлаб бергил, Лаура.

Лаура
Ха, хайрлашамиз,
Тун ҳам бўлди. Энди нима куйласам экан?
Ҳа, тингланглар.
(*Куйлайди*).

Ҳ а м м а

Жуда ҳам соз, мислсиз гўзал!

Л а у р а

Хайр, энди афандилар.

М е ҳ м о н л а р

Хайр, Лаура.

(Меҳмонлар кетади. Лаура Дон Карлосни тўхтатиб қолади)

Л а у р а

Эй, сен шаддол, меҳмоним бўл бу кеча менинг,
Менга чиндан ёқиб қолдинг; ҳақорат қилиб,
Тишларингни тишларингга босар экансан,
Дон Гуанга ўхшаб кетдинг.

Д о н Қ а р л о с

О, бахтли йигит!

Сен севгансан.

(Лаура бошини қимирлатиб севганилигини изҳор қиласди)

Жуда ҳамми?

Л а у р а

Ҳа, жуда ҳам.

Д о н Қ а р л о с

Сен ҳозир ҳам севасанми?

Л а у р а

Шу лаҳзадами?

Йўқ, севмайман. Икки ёрни севаолмайман.
Энди сени севиб қолдим.

Дон Карлос
Айтгил, Лаура,
Неча ёшга кирдинг ҳозир?

Лаура
Ун саккиз ёшга.

Дон Карлос
Сен ниҳолсан... Яна беш, ё олти йилгача
Ниҳол каби яшнайсан сен. Теварагингдан
Яна олти йил аримас ишқивозларинг,
Улар сени эркалайди, тухфалар бериб,
Кечалари куйлаб, ором бағишлайдилар,
Сени дея, катта йўлнинг чорраҳасида
Тўқнашишиб, бир-бирларин ўлдирадилар.
Аммо фаслинг ўтажакдир, кўзларинг сўнар.
Қовоқларинг ажинларга тўлиб, қораяр,
Тундай қора соchlарингга оқ оралайди,
Ҳамма сени кампир дейди; ўшанда, айтгил,
Сен ўшанда нима дейсан?

Лаура
Нима дер эдим?
Нечун бундай хаёлотлар? Гапингни қара!
Кел, айвонни очиб қўй. Кўк шу қадар сокин.
Илиқ ҳаво ҳаракатсиз, тун қучоғида
Анқиб ётар лимон блан дафна бўйлари.
Ой порлайди қорамтири тун кўкида равшан.
Сукунатдан дарак берар посбонлар саси.
Балки, олис шимол ёқда — Парижда бу он
Булутлар-ла қоплангандир мовий осмон.
Балки, совуқ ёмғир ёғар, аччиқ ел эсар.—
Бизнинг қандай ишимиз бор? Қулоқ сол,
Карлос,
Сендан талаб этаман мен, менга кулиб боқ;
Қани, бир кул, қани-қани!

Дон Карлос
Эй азиз иблис!

(Эшик тиқирлайди)

Дон Гуан

Хей, Лаура!

Лаура

Кимдир келган? Кимнинг товуши?

Дон Гуан

Эшикни оч...

Лаура

Наҳотки у?.. Ё раббим!..

(Эшик очилади.. Дон Гуан киради)

Дон Гуан

Салом!..

Лаура

Дон Гуан!..

Дон Карлос

Ким? Дон Гуанми?

(Лаура ўзини Дон Гуаннинг бағрига отади)

Дон Гуан

Лаура, жоним!..

(Қизни ўпади)

Уйингдаги ким, Лаурам?

Дон Карлос

Мен, Дон Карлосман.

Дон Гуан

Кутилмаган бир учрашув! Мен эртагаёқ
Хизматингга тайёрдирман.

Дон Карлос

Йўқ, ҳозир — шу он.

Лаура

Дон Карлос, бас! Сиз кўчада эмассиз ҳозир,
Ахир, менинг уйимдасиз. Кетингиз дарҳол...

Дон Карлос (*қулоқ солмайди*)

Ахир, сенинг қиличинг бор. Мен кутаяпман!

Дон Гуан

Агар сабриңг чидамаса, майли, мен рози.

(*Улар олишадилар*)

Лаура

Ҳой! Ҳой! Гуан

(*Лаура ўзини ётоққа ташлайди. Дон Карлос ишқилади*)

Дон Гуан

Тур, Лаура, иш тамом бўлди.

Лаура

Нима бўлди? У ўлдими? Менинг уйимда!
Ана холос! Энди нима қиласман, шайтон?
Жасадини қайга ташлай?

Дон Гуан

Балки, у ҳали

Улмагандир.

Лаура (жасадни кўздан кечиради)

Улмаганмиш! Ҳай муттаҳам, ҳай;
Юрагига тиф санчибсан — янглишмабсан ҳам,
Уч қиррали жароҳотдан ҳатто қон келмас,
Нафаси ҳам ўчиб қолган — сен нима қилдинг?

Дон Гуан

Ўзи шуни истади-ку. Мен нима қилдим?

Лаура

Эҳ, Дон Гуан чиндан алам қилади жуда.
Сен ҳамиша қилгиликни қиласан, лекин
Ҳеч гуноҳкор бўлмайсан сен... Қаердан келдинг?
Қачон келдинг?

Дон Гуан

Ҳозиргина келдим, яширин,
Ахир, ҳали гуноҳимни кечганлари йўқ.

Лаура

Шу ондаёқ Лаурангни эсга олдингми?
Яхши нарса — яхши бўлур. Ҳа, энди етар.
Сенга ортиқ ишонмайман. Сен тасодифан
Үйни кўриб қолгандирсан, шу ердан ўтиб...

Дон Гуан

Йўқ, Лаурам, ишонмасанг, сўрай оласан,
Лепореллом айтиб берар. Шаҳар четида
Бир ла'нати қабристонни қўналға этдим.
Мен Мадридга Лауруни излаб келганман.

(Уни ўпади)

Лаура

Азиз дўстим!.. Тўхта... Улик ҳузурида-я!
Уни нима қилсак экан?

Дон Гуан

Ишинг бўлмасин!

Эрта блан, тонг чоғида ридога ўраб,
Уни мен бу ердан олиб чиқиб кетаман,
Чорраҳага ётқизаман.

Лаура

Эҳтиёт бўлгил,

Сени яна бирор киши кўриб қолмасин.
Сен бир лаҳза кейин келиб, яхши иш қилдинг!

Үртоқларинг зиёфатда эди шу ерда.
Хозиргина тарқалишди улар уйимдан.
Яхши бўлмас эди агар рўбарў келсанг!

Дон Гуан

Айт, Лаура, қачон кўнгил қўйгансан бунга?

Лаура

Кимга? Эсинг жойидами?

Дон Гуан

Иқрор бўл ҳозир.

Мен бу ердан кетганимдан бери неча бор
Бевафолик қилдинг менга?

Лаура

Сен-чи, тентагим?

Дон Гуан

Олдин сен айт... Майли, кейин суҳбатлашамиз!

III САҲНА

Командор ҳайкали

Дон Гуан

Ҳамма нарса тобора соз; мен тасодифан
Дон Карлосни ўлдиргандан кейин, шу ерда
Дарвеш бўлиб яшириндим — мен энди ҳар кун
Бу чорбоғда кўрмоқдаман гўзал бевамни,
У ҳам мени пайқагандир.— Шу пайтга қадар
Сипоҳ тутдик ўзимизни,— аммо мен бугун
Унинг блан сўзлашаман; бас шунча кутмоқ.
Гапни қандай бошлай? Ҳа, «Мен ботинолдим...»
Иўқ.

«Сенъора...» деб бошлайман... Э! Бошга не келса,
Мен ўшани айтаман-да, тайёргарликсиз,
Ишқ қўшиғин тўқучиси каби бемалол...
Энди кела қолса эди... Менимча, усиз
Бу ерда кўп зерикади ёлғиз қомандор.
Заб баҳодир сифат турар бу ерда мағрур!
Елкаларни қаранг! Қандай Геркулеснамо!
Марҳум пастбўй одам эди, жажжи ва тажанг;
Оёқ учин бунда босиб, чўзсади қўлин —
Хайкалининг бурнига ҳам етказолмасди.
Ескуръялнинг ёнида дуч келганимда,
Қиличимни бир қададим, нина санчилган —
Чигирткадай қотиб қолди — ва лекин ўзи
Жасоратли, мағрур эди, руҳи шиддатли...
Ҳа! Ана у.

(Дона Анна киради)

Дона Анна

У яна шу ерда-я. Отам,
Ногоҳ келиб, фикрингизни бўлдим шекилли.
Афв этинг.

Дон Гуан

Мен, хоним, сиздан афв сўрайман.
Балки ғаму-гуссангизни bemalol, эркин
Ёзаркансиз, сизга халал бермоқдадирман.

Дона Анна

Йўқ, отажон, қайғуларим ўзимга аён,
Олдингизда дуоларим осмонга қалар
Ҳеч мони'сиз етиб борар — сиздан сўрайман,
Овозимга қўшинг азиз овозингизни.

Дон Гуан

Дона Анна, мен сиз блан дуо ўқийми!
Бу қадарли саодатга лойиқ эмасман.
Мени бу осий лабларим-ла сизнинг муқаддас
Сўзларингиз такрорлашга жур'ат этмайман —
Бошингизни аста эгиб, тун каби қора
Сочингизни оқ мармарга ёяр экансиз,
Мен олисдан ихлос блан сизга боқаман.
Шунда гўзал бир фаришта бу мақбараага
Сирли учиб келган каби туюлар менга,
Шунда қалбим бир изтироб блан ўртаниб,
Дуо келмас тилимга. Мен ҳайрон термулиб,—
Гўзал малак нафасила ёнган, севгининг —
Қўзёшидан баҳраманд бу совуқ мармарнинг
Соҳибини кўп баҳтиёр дея ўйлайман.

Дона Анна

Сўзларингиз кўп ғалати!

Дон Гуан

Йўғе, сеньора?

Дона Анна
Менга ахир... Унутмангки...

Дон Гуан
Сабаб? Еки мен
Чиндан дарвеш эмасманми? Осий овозим
Бу даргоҳда шунча баланд янграмасинми?

Дона Анна
Шундай туйдим... Мен ҳеч нарса тушунолмадим.

Дон Гуан
Эҳ, англадим. Сиз барини билиб олгансиз.

Дона Анна
Мен нимани билдим?

Дон Гуан
Я'ни, мен роҳиб эмас —
Қошингизда тиз чўкаман, узр сўрайман.

Дона Анна
Е раббим! Йўқ, туринг, туринг... Сиз кимсиз ахир?

Дон Гуан
Мен бир бадбаҳт, оқибатсиз севги қурбони.

Дона Анна
Е раббим! Қабр тепасида бу қандай сўзлар!
Кетинг ҳозир!

Дон Гуан
Дона Анна, биргина лаҳза,
Мен биргина лаҳза қолай!

Дона Анна
Бирор келса-чи?

Дон Гуан
Панжара берк. Бир лаҳзага ижозат беринг!

Дона Анна
Қани, айтинг! Сизга нима керакдир?

Дон Гуан
Ажал...
Майли, ҳозир оёғингиз остида ўлай,
Шу чорбоққа дафн этилсин шўрли жасадим;
Шу яқинга, сизга азиз бўлган қабрнинг
Яқинига эмас, балки нарироқ ерга.
Дарвозанинг яқинига, худ остонаяга;
Зулфингизни қуи солиб, ёш тўқмак учун
Мағрур ҳайкал сари келар экансиз, токи
Либосингиз, оёғингиз енгил тегаркан,
Мозоримнинг тошини сиз айланг баҳтиёр.

Дона Анна
Эс-ҳушингиз жойидамас.

Дон Гуан
Ё, Дона Анна,
Телбаликнинг белгисими ажал тиlamоқ?
Агар телба бўлсан, тирик қолмоқ истардим,
Қалбингизни тоза севгим оташи блан
Қўзғатишдан бўлаолар эдим умидвор;
Агар телба бўлсан эди, кечаларни мен,
Қўшиқ айтиб, уйқунгизни қилиб безовта,
Балконингиз қаршисида ўтказар эдим;
Агар телба бўлсан, сукут сақлаб ҳамиша
АЗоб чекиб юрмас эдим...

Дона Анна
Сизнинг сукутда
Юрганингиз шуми ҳали?

Дон Гуан

Эй, Дона Анна,

Бир тасодиф йўлим очди, йўқса, сиз ҳеч он
Менинг ғамли сирларимни билмас эдингиз.

Дона Анна

Кўпдан бери мени севиб қолгансизми сиз?

Дон Гуан

Қачон севиб қолганимни ўзим билмайман,
Аммо ўша дамдан бери шу бир лаҳзали
Ҳаёт менга қимматлидир, ўшандан бери
Мен англадим толи' деган сўзнинг қадрини.

Дона Анна

Нари кетинг — сиз қўрқинчли одам экансиз.

Дон Гуан

Нима учун?

Дона Анна

Мен кўрқаман сўзларингиздан.

Дон Гуан

Мен тинаман, фақат мени мангуда қувламанг,
Сизни фақат кўриш ўзи менга саодат.
Мен шармсиз ниятларни ўйламайман ҳам,
Сиздан ҳечбир нарса талаб қилмайман, агар
Менга яшаш насиб экан, сизни кўрмагим —
Керак.

Дона Анна

Кетинг, бу ер бундай сўзлар ва бундай
Телбаликлар ўрни эмас. Эртага бизнинг
Уйга келинг. Агар мени хурмат қилишга
Онт ичсангиз, сизни қабул қиласман, фақат

Оқшом чоги, балки яна кечроқ келасиз.
Бева бўлиб қолганимдан бери ҳечким-ла
Кўришмадим...

Дон Гуан
Дона Анна, түзәл фарышта!
Сиз бугун бир бечорага таскин бергандек,
Тангри ўзи сизни құллаб, берсін тасалди.

Дона Анна

Энди кетинг.

Дон Гуан

Яна қолай бир лаҳзагина.

Дона Анна

Йўқ, мен ўзим кетақолай... Зотан тилимга
Оятлар ҳам келмай қолди. Сиз бу дун'ёвий
Гаплар блан банд этдингиз; менинг қулоғим
Бу сўзларга кўпдан бери бегона эди.
Сиз эртага келинг.

Дон Гуан

Ҳамон ишонолмайман.
Ҳамон күзим етмас бахту-саодатимга...
Наҳот эрта сизни күрсам! —
Очиқ-ойдин!

Дона Анна

Исмиңгиз на? Ҳа, әртага, куни әртага.

Дон Гуан Диего де Кальвадо исмим...

Дона Анна
Хайр энди, Дон Диего
(кетади).

Дон Гуан
Эй Лепорелло!

(Лепорелло киради).

Нима хизмат?

Дон Гуан

Азиз Лепорелло! Мен жуда
Бахтиёрман! Эртагаёқ — оқшомда, кечроқ...
Лепореллом, эртагаёқ — тайёрликни күр...
Чақалоқдай бахтиёрман!

Лепорелло

Дона Анна-ла
Сиз сўзлашолдингизми? Балки у сизга
Икки оғиз ширингина сўз сўйлагандир.
Ёки, уни дуо қилган бўлсангиз керак.

Дон Гуан

Лепорелло, йўқ, ундеймас! У менинг блан
Кўришмоқни ва'да қилди!

Лепорелло

Йўге, мумкинмас!
О, бевалар, барингиз ҳам шундай.

Дон Гуан

Мен бахтли!

Лепорелло

Командор-чи? Бунга нима дейди командор?

Дон Гуан

У рашик ичра ёнади деб ўйлайсанми сен?
Йўқ, бундаймас; у ақлли-ҳушли бир одам,
Итоаткор бўлиб қолган ўлгандан бери.

Лепорелло

Йўқ; командор ҳайкалига бир назар ташланг.

Дон Гуан

Нима бўлти?

Лепорелло

У сиз томон тиқилиб, гўё
Зарда қилган каби.

Дон Гуан

Қани, бор, Лепорелло,
Унга айтгил, меникига марҳамат қилсан,
Йўқ, эртага — Дона Анна уйига борсин.

Лепорелло

Хайкал меҳмон бўладими? Нечун?

Дон Гуан

Аёнки,
Дона Анна блан суҳбат қилгали эмас;
Хайкалга айт, эртагаёқ, кечроқ келсину,
Дона Анна эшигицинг остонасида
Эшикбонлик қилиб турсин.

Лепорелло

Ҳазилни қўйинг.

У ўлик-ку!

Дон Гуан

Бор дедим, бор.

Лепорелло

Лекин...

Дон Гуан
Тезроқ бор.

Лепорелло

Эй шарафли, эй чиройли, ажойиб ҳайкал!
Афандим Дон Гуан сиздан ўтиниб сўрар,
Ташриф қилиб... Худо урсин, гапиролмайман,
Қўрқиб кетдим.

Дон Гуан
Кўрқоқ! Шошма!

Лепорелло

Марҳамат қилинг.
Афандим Дон Гуан сиздан ўтиниб сўрар;
Сиз эртага рафиқангиз уйига келиб,
Дарвозада соқчи бўлинг...

(Ҳайкал бошини қимиirlатиб, розилигини билдиради)
Вой!

Дон Гуан
Не гап?

Лепорелло
Вой! Вой!..
Вой!.. Үламан!

Дон Гуан
Сенга нима бўлди, нима гап?

Лепорелло (бошини тебратади)
Ҳайкал... Вой, вой!..

Дон Гуан
Унга та'зим қиласяпсанми?

Л е п о р е л л о
Йўқ!
Мен эмас, у!

Д о н Г у а н
Қўй, бўлмаган, беҳуда гапни!

Л е п о р е л л о
Ўзингиз боринг.

Д о н Г у а н
Сени қара, лўттибоз.

(Ҳайкалга)

Командор, мен ўтинаман сендан, эртага
Бева қолган хотинингнинг ҳузурига бор.
Мен бўламан. Сен эшикда соқчи тур. Хўпми?

(Ҳайкалъяна бошини қимиirlатади)
Ё раббим!

Л е п о р е л л о
Хўш? Айтмадимми...

Д о н Г у а н
Қани, кетамиз.

IV САҲНА

Дона Аннанинг хонаси

ДОН ГУАН ва ДОНА АННА

Дона Анна

Дон Диего, сизни қабул қилдим мен; фақат
Қўрқаманки, менинг дардли суҳбатим сизни
Зериктириб қўймаса деб, бечора бева —
Унутолмас ҳамон оғир мусибатини.
Қўзёшларим жилва блан қўшилар экан,
Апрель ойин эслатади. Нечун жимсиз?

Дон Гуан

Гўзал Дона Анна блан мен хилватда қолиб,
Висол завқи блан мастман. Сизни бу замон
Бахтли ўлик мақбараси қаршисида-мас,
Мармар ёрнинг ҳузурида тиз чўқкан ҳолда —
Эмас, балки ўз қошимда кўриб турибман.

Дона Анна

Дон Диего, шунча рашкли экансиз — эрим
Сизни ҳатто қабрида ҳам қийнамоқда.

Дон Гуан

Мен —

Сра ҳам рашк қилмаслигим керак. Сабабки,
Сиз ўзингиз уни танлаб эр қилгансиз:

Дона Анна

Йўқ,

Дон Альварга онам эрга берган мажбуран,
Биз камбағал, Дон Альвар бой эди бафоят.

Дон Гуан

Бахтиёр эр! У қупқуруқ хазиналарни
Олиҳанинг оёғига тўкиб, шунингчун
Жаннат завқу сафосини суритти! Агар
Аввал билган бўлсам эдим сизни, мен бутун
Шавкатимни, бойлигимни биргина қувноқ —
Боқишингиз учун буткул бағишлар эдим;
Мен муқаддас фармонингиз қули бўлардим,
Барча эрка ҳавасингиз ёд қилиб олиб,
Ҳеч ўринисиз қолдирмасдим; бутун умрингиз
Ажиб сихр блан тўлар эди муттасил.
Эвоҳ! Тангри менга бошқа қисмат ёзибди.

Дона Анна

Диего, бас; сизга қулоқ солсан, гуноҳим
Яна ортар — сизни севмак мен учун маҳол,
Қабрга ҳам бева содик бўлмоғи керак.
Дон Альварнинг мени қандай севганлигини
Сиз билсангиз эди! О, Дон Альвар мабодо
Бева бўлиб қолса, бирор ма'шуқани ҳеч
Қабул қилмас — рафиқаси мухаббатига
Содик бўлиб қолар эди.

Дон Гуан

Мени қийнаманг,

Дона Анна, эрингизни ҳамиша эслаб
Юрагимни қиймаламанг. Шундай жазо бас.
Шу жазога гарчанд лойик бўлсан ҳам.

Дона Анна

Нечун?

Илоҳий қонунлар сизни ҳечким-ла
Боғламаган — тўғримасми? Мени севсангиз,
Менинг ҳамда худовайднинг олдида ҳақсиз.

Дон Гуан
Олдингизда! Ёраб!

Дона Анна.

Менинг ҳузуримда сиз
Бирор гуноҳ қилганмисиз? Айтинг, нечун...

Дон Гуан
Йўқ,

Ҳеч айтмайман.

Дона Анна

Диего, бу жуда ғалати!
Хузуримда ноҳақмисиз? Нечун, айтингиз.

Дон Гуан
Йўқ! Айтмайман!

Дона Анна

Диего, бу жуда ғалати!
Мен сўрайман, сиздан талаб этаман.

Дон Гуан
Йўқ, йўқ.

Дона Анна
Ҳа! Шунчами сизнинг менга итоатингиз!
Шу соатда менга нима деган эдингиз?
Менинг қулим бўлмоқликни истадингиз-ку?
Жавоб беринг, Диего: мен хафа бўламан,
Менга қарши қандай гуноҳ?

Дон Гуан
Жур'ат этмайман,
Агар айтсам, мендан дарҳол нафратланасиз.

Дона Анна

Йўқ, йўқ. Сизни ҳозирданоқ афв этаман.
Аммо билмак истайман мен...

Дон Гуан

Асло истамаңг.
У даҳшатли, аянч бир сир бўлиб қолсин.

Дона Анна

Аянч бир сир! Менга азоб бермоқдасиз сиз.
Мен қўрқмайман, айтинг ҳозир, қандай сирдир у?
Қандай қилиб этолдингиз мени ҳақорат?
Аввал сизни билмас эдим — душманларим йўқ,
Илгари ҳам бўлмаган. Бир душманим фақат
Ўз эримнинг қотилидир.

Дон Гуан (*ўзича*)

Иш бўлар тамом!
Менга айтинг, бахти қора Дон Гуанни сиз
Аввал танир эдингизми?

Дона Анна

Йўқ, мен ҳеч қачон
Уни кўрган эмасман.

Дон Гуан

Сиз юрагингизда
Унга ёвлик сақлайсизми?

Дона Анна

Номус туфайли.
Аммо мени, Дон Диего, сиздан сўраган
Саволимдан чалғитишга уринаяпсиз,
Сиздан талаб этаман мен...

Дон Гуан

У Дон Гуанни
Учратсангиз нима қиласар эдингиз?

Дона Анна Ханжар —

Санчар эдим қора қалбига.

Дон Гуан

Дона Аниа,
У ханжаринг қани? Мана, қалбим?

Дона Анна
Джего!

Бү нимаси?

Дон Гуан

Дона Анна

Ераб, йўк, бу мумкин эмас, мен ишонмайман.

Дон Гуан

Дон Гуан мен.

Дона Анна
Түғри эмас.

Дон Гуан

Сенинг эрингни

Мен ўлдирдим, ачинмайман қилған ишимга,
Тавба қилиш ниятим йўқ, пушаймон бўлиб.

Дона Анна

Нималарни эшитаяпман? Йўқ, йўқ, мумкинмас.

Дон Гуан

Мен Дон Гуан, сени чиндан севиб қолганман.

Дона Анина (ийқиңілади)

Қаердаман... Қаердаман?.. Бошим...

Дон Гуан

Ё раббим!

Нима бўлди? Дона Анна, сенга не бўлди?
Тур, тур, уйғон, эсингни йиф, сенинг Диегонг,
Қулинг оёқ остингдадир.

Дона Анна

Мени тинч қўйгили.

(Ожизона)

Оҳ, сен менга ёвсан — менинг ҳаётимдаги
Бор нарсамни тортиб олдинг...

Дон Гуан

Эй азиз малак!

Гуноҳимни ювмакликка ҳар он қодирман.
Фармонингни кутмакдаман оёқ остингда,
Майли,— ўлдир, майли — қолдир, фақат сен учун
Мен яшайман...

Дона Анна

Дон Гуаннинг ўзи шу, демак...

Дон Гуан

Дона Анна, рост эмасми, уни бир ёвуз
Ва йиртқич деб та’рифлаган эдилар сизга,—
Балки, буткул ноҳақ эмас бундай овоза,
Менинг ҳорғин виждонимда ҳали ҳам балки
Ёвузиликнинг асари бор... Узоқ вақт фаҳшнинг
Кўп ғайратли талабаси бўлиб юргандим.
Аммо сизни кўрганимдан бери гўёки
Бу дун’ёга янги инсон бўлиб туғилдим.
Сизни севиб, яхшиликни севиб қолдим мен,
Ўз умримда биринчи бор унинг олдида
Сиҳрланиб ва қалтираб тиз чўкмакдаман.

Дона Анна

О, Дон Гуан сўзга моҳир — буни биламан.
Эшитганман, ҳийла блан йўлдан ураркан,

Сизни ҳамма: худосини сотган фаҳш, дейди,
Сиз иблиснинг худди ўзи. Қанча бечора
Хотинларни бузгандирсиз?

Дон Гуан

Бирортасини

Шу вақтгача севмаганман.

Дона Анна

Мен шу Дон Гуан
Биринчи бор севади-ю, менда яна бир
Янги қурбон изламайди деб ишонайми!

Дон Гуан

Хаёлимда бўлса эди сизни алдамоқ,
Эштишга тоқатингиз бўлмаган номни
Айтармидим, бўлармидим шу йўсин иқрор?
Қандай макр, ҳийла бордир, ахир, бу ерда?

Дона Анна

Сизни билиб бўладими? — Аммо сиз қандай
Келолдингиз, сизни ҳамма танир бу ерда,
Үлимингиз муқаррардир, қўлга тушсангиз.

Дон Гуан

Үлим нима? Бир лаҳзалик висол завқига
Ҳаётимни шикоятсиз бераман.

Дона Анна

Энди
Қандай чиқиб кетасиз, эй эҳтиёти йўқ!

Дон Гуан

(Унинг қўлини ўпади)

Сиз бечора Гуан учун шунчалик ташвиш —
Чекасизми! Демак, сенинг малак қалбингда,
Дона Анна, менга нафрат йўқ экан, ростми?

Дона Анна

Оҳ, агар мен сизга нафрат сақлай олсайдим!
Аммо ҳозир лозим бўлди бизга айрилмоқ.

Дон Гуан

Яна қачон кўришамиз?

Дона Анна

Бошқа бир кун...

Дон Гуан

Эртага-чи?

Дона Анна

• Қайдა?

Дон Гуан

Шу ерда.

Дона Анна

О, Дон Гуан, менинг кўнглим ниҳоятда бўш.

Дон Гуан

Афв этмоқнинг гаровидир беғараз бўса...

Дона Анна

Етар энди, кет.

Дон Гуан

Биргина, совуқ, беозор...

Дона Анна

Сен нақадар елимсан? Ол бўсани, майли.
Қандай товуш?.. Оҳ, панага қочгил, Дон Гуан.

Дон Гуан

Хайр, энди кўришгунча, эй азиз дўстим.
(Хонадан чиқади, яна қайтиб югуриб киради)
Оҳ!

Дона Анна

Ҳа, сенга нима бўлди! Оҳ!..

(Командорнинг ҳайкали киради, Дона Анна
ерга йиқилади)

Ҳайкал

Мана, келдим.

Дон Гуан

Эвоҳ, тангри! Дона Анна!

Ҳайкал

Уни тинч қолдир,
Бас, вассалом. Дон Гуан, сен бунча титрайсан?

Дон Гуан

Менми? Асло. Чақирганман, кўрдим, хурсандман.

Ҳайкал

Қўлингни бер.

Дон Гуан

Мана қўлим... Тош панжаларнинг
Амбур каби сиқувидан омон йўқ, эвоҳ!
Менга тегма, қўйиб юбор менинг қўлимни,
Мен ўламан — бари тамом — оҳ Дона Анна!

(Иккови ағдарилиб тушиади)

